

先賢傳

先賢傳

隴山蹠秦枕蜀天冰成紀又隴右沃奧之區邃古
以來庖羲媧皇實生其地自漢以降英桀輩出亞
於三輔洎隗王稱霸更始亂三輔豪士若馬援班
彪杜林方望鄭興谷恭之徒皆翮集於此故西州
文采光武側席亦一時之盛也流風輝映數百年
而羌氏種人亦產名賢陵轢宇內至唐宋陷沒以
後而遺老無復聞焉今略綴所考自漢訖魏為先

賢傳

魏、兩漢首生飛將

李廣成紀人也其先曰李

信故槐里徙成紀用善騎射孝文時與弟蔡皆為
武騎常侍孝景時徙為上谷太守厯隴西北地雁
門代郡雲中太守皆以力戰為名武帝立以為廣
名將也遷未央衛尉驍騎將軍以事免又召拜右
北平太守匈奴聞之號曰漢之飛將軍廣為二千
石四十餘年家無餘財不言家產為人長猿臂善

射訥口少言與人居則畫地為軍陳射濶狹以飲
將兵寬緩不苛士以此愛樂為用元朔六年為後
將軍擊匈奴諸將多以功為侯者然廣不得爵邑
元狩四年以前將軍從衛青擊匈奴既出塞青知
單于所居自以精兵走之而今廣出東道廣自請
居前青受上誡以為廣老數奇毋令當單于廣固
辭不聽怒而就部因回遠失道青亦不得單于而
還因急責廣失道狀廣至莫府謂其麾下曰廣結

髮與匈奴大小七十餘戰今幸接單于而大將軍
又從廣部行回遠失道豈非天哉且廣年六十餘
矣終不能復對刀筆之吏遂引刀自頸廣軍士大
夫一軍皆哭百姓聞之知與不知皆為垂涕廣子
三人當戶椒敢為郎敢為校尉從擊左賢王奪旗
鼓斬首多賜爵闕內侯後以擊傷衛青為霍去病
所射殺當戶早卒椒為代郡太守敢子禹

樂安建章功存名喪

李蔡廣從弟也李陵廣孫

也蔡與廣俱文景武帝時積功至代相以輕車將
軍從衛青擊右賢王有功封樂安侯元狩二年代
公孫宏為丞相坐侵孝景園墺下吏自殺不對獄
陵字少卿當戶遺腹子為建章監善射愛士卒武
帝以為李氏世將使以騎都尉將楚士五千人教
射酒泉張掖以衛胡天漢二年召陵副貳師將軍
陵於武臺叩頭自請曰臣所將皆荆楚勇士奇材
劍客也願得自當一隊步兵五千人涉單于庭上

壯而許之因出居延北行三十日至浚稽山與單于相值騎可八萬圍陵軍陵軍搏戰千弩俱發應弦而倒單于大驚因召左右賢王並力攻陵陵且戰且引南行數日士死者過半而所殺匈奴亦萬餘人行四五日抵居延百餘里復殺虜二千餘人單于疑漢精兵不可敗兼恐有伏欲去而軍候亡降匈奴言其實單于遂大喜遮道攻陵陵居谷中虜在山上四面射矢如雨下漢軍南行未至鞬汗

山一日五十萬矢皆盡單于令人大呼曰李陵韓
延年趣降陵夜上馬壯士從者十餘人虜騎數千
追之陵曰無面目報陛下遂降單于以女妻之處
匈奴二十餘年中平元年卒隴西士大夫皆痛惜
其才而司馬遷因救陵獲罪尤為扼腕也

季孟長者中途惆悵
隗囂字季孟成紀人也少

仕州郡更始初囂季父崔兄義謀起兵應漢與上
邽楊廣翼縣周宗共推囂為大將軍勒兵十萬擊

殺王莽雍州牧陳慶安定大尹王向分遣諸將徇
下隴西武都金城武威張掖酒泉敦煌更始入長
安徵囂軍師方望止之不聽赤眉入關三輔撓亂
復歸天水據故地有自稱西州上將軍囂素謙恭
愛士傾身引接以范滂趙秉蘓衡申屠剛杜林鄭
興之徒為師友王元牛邯王遵行巡之屬為將帥
由此名震西州聞於山東及鄧禹擊赤眉承制命
囂為大將軍專制涼州朔方事光武二年囂上書

詣闕光武素聞其風聲報以殊禮五年遣長子恂
隨來歙入侍而諸將王元王捷以成敗未可知不
願專心內事光武因數騰書告示禍福囂賓客椽
史多文學生每所上事士大夫多諷誦之故帝有
所辭答尤加意焉後帝欲令囂由天水伐蜀囂上
言多設支闕帝知其終不為用遂遣耿弇等從隴
道伐蜀囂遂勒兵拒戰耿弇七將各敗退明年公
孫述以囂為朔寧王八年春來歙從山道襲得略

陽囂自悉其大衆圍歙不能下帝乃率諸將西征
數道上隴於是囂大將十三人屬縣十六衆十餘
萬皆降囂從楊廣保西城王元入蜀求救其大將
阿陽人王捷別在戎邱登城呼漢軍曰為隗王城
守者皆必死無二心願諸君速退請自殺以明之
遂自刎頸死數月王元行巡周宗將蜀救至決圍
死戰入城迎囂歸冀吳漢等食盡退去於是安定
北地天水隴西復反為囂九年春卒於冀王元周

宗立囂少子純為王十年來歙耿彝等攻破落門
周宗行巡苟宇趙恢等將純降

楊師伏波深明骨相

楊子阿成紀人也經術該

博兼通相馬法扶風馬援師子阿受相馬骨法及
征交阯還鑄銅鼓為馬式表上之以為馬者甲兵
之本國之大用因箸銅馬相法詔置於宣德殿下
為名馬式也

肅肅二郭名德相望

郭整略陽人也博洽多聞

抱道自重漢安帝順帝時公府八辟公車五徵皆
堅辭不就世仰其高 郭荷字承休整六世孫
也自整及荷世以經學教授皆明究羣籍特善史
書不應州郡之命晉季張祚稱藩遣使者以安車
束帛徵為博士祭酒使者迫致之及至署太子友
荷乞還祚許之以安車蒲輪送歸卒謚曰立德先
生

武都賢勞人思圖像

李翕字伯都阿陽人也漢

靈帝時為澠池令有聲績拜武都太守開西狹郿閣諸道政約令行致黃龍白鹿嘉禾甘露之祥郡人刻石頌之並圖畫其像今所傳西狹郿閣二頌石刻俱存蓋漢建寧四年事也

赫赫諸符天挺人豪

符洪字廣世略陽臨渭人

也初姓蒲蓋有扈氏之苗裔世為西戎部長及洪生而權略好施羣族推為盟主自稱秦州刺史略陽公後歸劉曜石虎虎死稱藩於晉有衆十萬詔

以為征北將軍都督河北諸軍事冀州刺史廣川
郡公永和五年秦雍人立洪為主洪以讖文有草
付應王遂姓苻自稱三秦王 苻健字建業洪
子也嗣位後遣使告喪於晉時杜洪據長安健欲
圖之乃課民種麥示無西意既而盡衆西行至盟
津起浮橋以濟遣弟雄率步騎五千入潼關兄子
菁帥衆七千自軹關入河東健統大軍繼進洪悉
師以拒連擊破之洪奔司竹健入長安都焉遣雄

捷捷桓溫入關為雄所敗引衆東走健遣子萇追

獻

溫九敗之於潼關萇亦死之健勤於政事崇禮儒
士遣使問民疾苦凡趙之苛政悉除之秦人大悅
立十八年卒子生嗣 符堅字永固雄仲子也
雄多謀略有政術為健佐命元勳位兼將相健嘗
曰元才吾周公也及卒健哭之痛曰天不欲平四
海邪何奪吾元才之速也生堅於枋頭有光燭庭
背文隱起成字曰草付臣又土王咸陽臂垂過膝

目有紫光姿貌瓌偉健入關拜龍驤將軍性至孝
博學多才藝有經濟大志同縣權翼見而驚曰非
常人也進東海王以苻生殘虐乃因權翼及太原
薛讚同縣呂婆樓詣北海王猛謀之遂廢生自立
以猛為尚書舉異才立學校課農桑恤窮困親詣
太學考第諸生秦民大悅因去帝號稱大秦天王
以猛為相猛人傑也堅用之世比昭烈之於孔明
後遣兵四擊高句麗新羅西南夷皆遣使朝貢天

下之地十得其八乃謀伐晉權翼符融及所幸張
夫人切諫不聽十九年年大舉南伐衆稱百萬為謝玄

所敗單騎入慕容垂軍使垂鎮慰北北鄙垂至安

陽叛秦堅後為姚萇所殺符融字博休堅季

弟也未弱冠有台輔之望為朝野所屬堅立拜侍

中中軍將軍聰辨明慧下筆成章時人擬之王粲

騎射既精旅力雄勇銓宗內外刑政修理與王景

略相亞尤善斷獄奸無所容故堅委任焉厯車騎

大將軍太子太傅轉司徒融既為將善謀略好施
愛士專方征伐必有殊功堅既有意荆揚慕容垂
姚萇等贊以平吳封禪之事融每諫曰知足不辱
知止不殆國家戎族正朔不歸江東雖不絕始綫
然天之所相終不可滅不聽堅將大舉又切諫曰
陛下信鮮卑羗虜諂諛之言納良家少年利口之
說臣恐非但無成大事去矣垂萇皆仇敵冀因風
塵之變以逞其凶德少年等皆富人子弟不知軍

旅苟肆佞諛之言以會陛下之意不足採也堅不
納及淮南敗融馬倒遇害垂萋果叛堅甚悼恨

苻朗字元達堅從兄子也性宏達神氣爽邁
幼懷遠操不屑時榮堅常目之曰吾家千里駒也
拜青州刺史不得已起就官耽玩經籍有若素士
每談虛悟玄登山涉水不知老之將至在任甚有
績稱堅敗後降晉既至揚州風流邁於一時超然
自得志陵物表謝安自以為不如也後為王國寶

所譖殺人皆惜之其諸苻之可稱者若健世子萇
及揚武將軍菁右衛將軍雅豫州牧暉皆以智略
著名為世所欽述也

呂權佐命亦有俊髦

呂婆樓呂平老權翼俱略

陽人也呂氏世為邊帥苻生立婆樓為侍中尚書
平老為御史中丞苻堅謀廢生婆樓謂堅曰僕里
舍有王猛者謀略不世出宜請而咨之堅因婆樓
以招猛一見如舊堅大悅既廢生堅知婆樓等並

有王佐之才乃以婆樓為司隸校尉平老為右僕
翼為給事侍郎並掌機密除生苛政秦民大悅

翼字子良漢左輔都尉忠之後其先出於殷

武丁封於權權江漢間國也周襄入楚為權氏楚

滅徙秦居天水略陽翼仕苻堅封安丘公與薛讚

王猛俱為佐命堅欲伐晉翼諫曰晉祚雖微未聞

喪德謝安桓沖江左偉才可謂有人未可圖也堅

默然後敗於肥水諸羌叛堅謂翼曰吾不從卿言

鮮卑至是闕東之地吾不復與之爭將若泓何翼
曰慕容垂據山東不暇近逼及暉及宗族種類盡
在京師鮮卑之衆布滿畿甸實宗社之憂也堅又
不省遂至於亡昌黎韓愈所謂有大臣之言也同
時有梁安者亦知名

志雪仇恥世明文高 呂光字世明婆樓子也符
登字文高堅族孫也先生有神光因以為名目重
瞳肘有肉邱沈毅寬簡有英雄大略王猛異之曰

此非常人征猛征討威名大著苻堅經略西域以
光為都督帥衆七萬進討諸國皆降至龜茲其王
帛純拒之諸胡救者七十餘萬光乃結為勾鑠之
陣戰於城西大破之帛純遁去光入城撫納諸胡
貢欵屬路桀黠胡王昔所未賓者不遠萬里皆來
歸服光有留志鳩摩羅什勸之東還聞苻堅被害
光奮怒哀號三軍皆縞素乃自稱三河王建號麟
嘉以姑臧為都皇始初進號天王立十年年六十

卒登父敞仕苻健為太尉司馬隴東太守登少而
雄勇不修細行及長折節讀書苻堅拜為揚武將
軍長安令關中亂屏跡不出及苻丕敗尚書寇遺
等立之即位改元以堅子懿為皇太弟屢敗姚萇
萇憚而不出登大呼曰殺君賊出善與汝決之連
戰皆捷進逼安定後與姚興將尹偉爭水敗績奔
平涼請援乞伏乾歸歸遣將救之復與興戰死之
在位九年年五十二子崇自湟中即位改元延初

史氏謂登功雖難立義烈慷慨信矣

諸李桓桓仲雋英翹

李特字玄休略陽臨渭人

也本巴西賓民魏武定漢中移於略陽北土父為
東羌獵將特兄弟五人皆驍銳有武幹晉元康中
關中大饑天水略陽六郡民流入漢州特兄弟營
護之甚得衆心特因圖蜀至劍閣太息曰劉禪有
如此地而面縛於人豈非庸才耶進圍成都為羅
尚所敗陣沒

流特弟也特敗流自稱大將軍

益州牧軍事悉屬李雄及疾篤衆推雄爲主

雄字仲儻特子也雄少時有道士劉化者言李氏
子中惟仲儻天姿奇異終爲人主既克成都諸將
固請卽尊位光熙元年雄卽皇帝位改元晏平國
號大成以范長生爲丞相叔父驤爲太傅百官制
度虛己受人寬和政役民皆富實閭門不閉路無
拾遺陳安楊茂搜及朱提審炤建寧巽薑蒙險委
誠杜弼張駿皆遣使交好駿勸雄去號稱藩於晉

雄引見駿使曰吾過為士大夫所推然本無心於
帝王也貴州將領行河沙常所希冀進思共為晉
室元功之臣退思共為守藩之將掃除氛埃以康
帝宇而晉室凌遲德聲不振引領東望有年矣會
獲來貺情鈞閣至有何已已雄之雅談多如此類
雄立三十年年六十一卒 班字世文雄兄蕩
子也雄以為嗣及襲位好學愛士每觀書傳謂其
師友天水姜夔曰吾見周景王太子晉子太子不

吳太子登文章鑒識超然卓絕未嘗不齎慙色何
古人之難及乎後為雄子越等所弑雄之業始衰
矣特雄諸臣有羅義夕斌亦略陽人著稱於時而
羅恒勸李壽稱藩於晉官至尚書最知名

楊陳據隴困於金刀

楊難敵略陽人也父茂搜

保仇池關中人士避亂者多依之自稱右賢王難
敵繼立屯河池劉曜自將擊之難敵稱藩曜拜為
大將軍都督秦涼巴益諸軍事專制隴上西域封

武都王後入漢中敗李瑄李雄復據仇池趙將劉
朗征之不克及難敵卒子毅立為楊初所弑初子
國復為楊俊所弑俊子世世子篡降於苻秦其後
楊氏遂盛於仇池為重鎮云 陳安隴城人也

始事晉南陽王模及模敗又事模世子保保知其
賢而不能用安據秦州及劉曜征楊難敵班師安
請朝曜疾篤不許遂大掠而歸西州氏羌皆附之
士馬雄盛衆十餘萬自稱涼王斬害保者葬以天

子之禮及劉曜親征圍安於隴城安頻出挑戰累
敗因留楊伯支守隴自率騎突圍而去南走陝中
曜遣其將平先追之安持丈八蛇矛帶雙鞬服左
右馳射平先亦勇捷如飛與安搏戰三交而奪其
蛇矛日暮安棄馬匿於溪澗先將呼延清跡斬之安
善撫接吉凶險夷與衆共之及其死隴上歌之曰
隴上壯士有陳安軀幹雖小腹中寬愛養將士同
心肝七尺大刀奮如湍丈八蛇矛左右盤十邊十

決無當前戰始三交失虵矛棄我驍驄竄巖幽為
我外援而懸頭西流之水東流河一去不還奈子
何歌遂流傳世以為安甯身異鄉致忠故主此李
陵王絀所不如也論者以叛趙為嫌殆未知安心
耳

權氏世德安邱潛曜顯親齊郡自他有耀 權景宣

字暉遠天水顯親人也父曇騰拓拔魏隴西太守
景宣少聰悟有氣俠仕西魏為輕車將軍周文帝

平隴遷秦州大中正祠部郎中從援宏農破沙苑
皆先登陷陣文帝使節度東南義軍以功拜顯親
縣男除南陽守遷廣州刺史累遷大都督持節鎮
荊州朝議以景宣威行南服進開府加侍中進爵
為伯閔帝立拜荊州總管督十七州諸軍事進千
金郡公統水軍援華皎於夏口敗績朝廷不忍加
罪赦之尋遇疾卒謚曰恭子如璋官至開府膠州
刺史如玖官大將軍儀同三司封廣川縣侯

權襲慶仕周至開府儀同三司冀州刺史齊郡公
孫武仕隋至潭府總管武衛大將軍天水伯子無
悔仕唐至趙城令子自挹仕至尚書倉部員外郎
權德輿有誌

由誕及倕篤生貞孝

權文誕安邱公六世孫也

仕唐為上庸太守荊州長史焯有聲烈史稱平涼
公曾孫倕以藝學與蘇源明相友善官羽林軍錄
事參軍子皋

皋字士繇唐天寶中擢進士第

為臨清尉安祿山聞其名表署幕職皋度祿山且
叛以其猜虐不可諫欲行慮禍及親天寶十四載
獻俘京師還過福昌尉仲暮暮皋親也因偽死逸
去暮為發哀斂之祿山歸其母皋奉母潛奔臨淮
既而祿山反天下聞其名爭致之玄宗在蜀聞之
拜監察御史會遭母喪客洪州時南北梗塞詔命
不至有中人過州求取無厭南昌令王邁欲誅之
謀於皋皋良久不答泣曰今何由致天子使而遽

欲誅之掩面去遘悟原謝顏真卿表為行軍司馬
召拜起居舍人因辭曰吾潔身亂世以全吾志欲
持是受名耶自中原亂士人率渡江李華韓洄皆
仰皋節嘗評皋可為宰輔師保年四十六卒於丹
徒詔贈秘書監元和中定謚曰貞孝世稱貞孝先
生子德輿

文公繼述大業宏紹

權德輿字載之三歲知辨

四聲四歲能詩七歲居貞孝喪哭踊如成人未冠

以文章稱諸儒間及長好學孝敬祥順以任任由
監察御史拜博士貞元中改左補闕與陽城齊名
轉起居舍人知制誥遷中書舍人拜禮部侍郎轉
兵戶吏三曹侍郎太子賓客遷太常卿天下咸推
為鉅人長德時天子以為宰相宜參用道德人因
拜禮部尚書同中書門下平章事其所設張舉措
必本於寬大以幾教化多所助與維匡調護不失
其正中於和節不為聲章因善與賢不矜主己後

以吏部尚書留守東都復拜太常轉刑部尚書出
鎮山南以疾求還卒於道德輿在相位三年年六
十贈尚書左僕射謚曰文公前後考第進士及廷
所策試士踵相接為宰相達官與德輿相先後其
餘布處臺閣外府凡百餘人自始學至疾未嘗一
日去書不觀既以能文詞擅聲於朝多銘卿大夫
功德其治家不視產業未嘗問有無及其卒也官
居野處上下弔哭皆曰善人死矣有詩文集若干

卷為世所誦述昌黎韓愈誌其墓以為唐之名相
史稱有唐一代謚文者韓愈李翱及德輿三人而
已子璩珏

圭玉世家學行克肖

璩字大圭元和初擢進士

第歷監察御史有美稱宰相李宗閔薦為中書舍
人時李訓鄭注挾寵任權璩與訓俱在翰林知其
奸邪糾同高元裕鄭肅韓偓等連章劾訓傾覆陰
巧且亂國事不宜出入禁中不聽後訓注敗名流

多罹其禍時人稱璩能持大體堪世其家後仕至
鄭州刺史子順孫憲孫順孫官太僕進馬早卒弟
珏字大玉亦有名權氏遂為中唐望族也

緬彼諸權代生貞幹不有所述後世何鑑 權氏

自都尉忠以來十四世至安邱敬公敬公生宣吉
宣褒褒仕後秦為黃門侍郎六世孫榮隋儀同三
司封鄜城公生平涼公文誕平涼四子崇嗣無聞
崇基仕唐為屯田員外郎孫良史澤州刺史崇先

水部員外郎崇本匡城令生五子無待若訥恩無已

官長安尉

同光惟無待知名官成都尉生三子倕倕倬倬倨倨官

臨潁令子隼字鷲夫天寶末舉明經中正官至華

州司士參軍所在有政績子少誠桐廬尉孫頊兩

當令瑄華州參軍若訥官至桂歙梓三州刺史子

倣紫溪令僕安平令倣子有方蘄令僕子達有士

况字弟明歷監察御史著述其富

行吏才歷咸陽丞權氏世有文采政事為二千石

法至今隴上士大夫猶能述其軼事也

此外尚有德輿從兄南仲登進士科從兄立為崑山主簿再從弟少清為潤州參軍三從弟長孺擢進士第況為義興尉皆見德輿文集中德輿自敎家世尚有後周千金恭公廣川清永二縣公今未由詳其名字矣惜哉

列女傳底稿

